

### □ CARRITTERI

Carritteri eri e mai ti lagnavi,  
spittaunu i to figghi spiranzusi e allegri,  
ma i chiù di voti nun puttavi nenti.  
U to cavaddu zoppu battia  
supra o bisolu u so zocculu duru.  
Chiamava, capiti?  
Comu un veru cristianu.  
Li notti erunu freddi, u lavoru ingratu,  
ma spiravi sempre di rivari a Natali.  
Quando a sacca avivi china di nuciddi,  
e castagni e ficozzula farinati  
di zucchuru riali era festa e ti scuddavi  
du friddu, li lacrimi e li stenti.  
C'era un tesoru nta to casa picciridda e  
fridda, to figghia Rusina.  
Anciulu non spittatu chiuvti supra  
a terra pì sbagghiu in un ionnu d'agostu.

***Anna La Rosa***